

Ո Ր Ո Շ ՈՒ Մ ԹԻՎ 200/6
/Վարչական տույժ նշանակելու մասին/

«24» մարտի 2023թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Հայկ Միրզոյանս, քննելով Գևորգ Ռազմիկի Սարգսյանի (անձն. AV0527775, ծնված՝ 27.11.1983թ. հասցե՝ 4104, ՀՀ Տավուշ, Նոյեմբերյան գ.Բագրատաշեն, 12-րդ փ. տուն 17) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի՝

1. Գործի նկարագրությունը:

2023 թվականի փետրվարի 28-ին ՀՀ ՊԵԿ Բագրատաշենի մաքսային կետ-բաժին է ժամանել ՀՀ քաղաքացի Գևորգ Սարգսյանը իր կողմից վարած «Օպել» մակնիշի 37PM138 պետհամարանիշի տրանսպորտային միջոցով: Տրանսպորտային միջոցի հսկման համար նախատեսված տաղավարի մոտ հսկողություն իրականացնելու նպատակով կանգնեցվել է վերջինիս տրանսպորտային միջոցը: Տեսազննման արդյունքում պարզվել է, որ տրանսպորտային միջոցում առկա են հայտարարագրման ենթակա ապրանքներ: Մաքսային մարմնի աշխատակցի օրինական պահանջին՝ ուղեկցվող բեռը տեղափոխել հսկման տաղավար /խորը զննման անգար/՝ հյսկողության իրականացման նպատակով, վերջինս հրաժարվել է և չի կատարել մաքսային մարմնի օրինական պահանջը: Որից հետո նստել է մեքենան և այն վարել դեպի ելքի ուղեփակոց: Ուղեփակոցի մոտ չենթարկելով մաքսային տեսուչի կանգ պահանջին՝ դուրս է եկել մաքսային հսկողության տարածքից:

2. Սույն վարչական գործի քննության համար նշանակություն ունեցող փաստեր:

1. 2023 թվականի փետրվարի 28-ին ՀՀ ՊԵԿ Բագրատաշենի մաքսային կետ-բաժին ժամանած ՀՀ քաղաքացի Գևորգ Սարգսյանը չի կատարել մաքսային մարմնի կողմից ներկայացված օրինական պահանջը:
2. 05.02.2023 թվականին կազմվել է մաքսային կանոնների խախտման վերաբերյալ արձանագրություն: Վարչական գործի վարույթին մասնակցելու համար 2023թ.-ի մարտի 22-ին ժամը 11:00-ին և գործի քննությանը մասնակցելու համար 2023թ.-ի մարտի 24-ին ժամը 17:00-ին վերջինս հրավիրվել է ՀՀ ՊԵԿ Արևելյան

մաքսատուն-վարչություն, վերջինս ներկայացել է լսումներին, սակայն չի ներկայացել գործի քննությանը:

3. Սույն մաքսային կանոնների խախտման վերաբերյալ գործը քննվել է «Մաքսային կարգավորման մասին» ՀՀ օրենքի 332-րդ հոդվածի ուժով:

3 Պատասխանողի դիրքորոշումը

Վարչական վարույթի շրջանականներում Գևորգ Սարգսյանը բանավոր հայտարարել է, որ նշված օրը մաքսային տեսուչների վերաբերմունքի պատճառով չի կատարել մաքսային մարմնի պահանջը /մեքենան չի տեղափոխել խորը զննման անգար/: Հայտնել է, որ մեքենայի կանգնեցման ժամանակ /առանց թույտվության մաքսակետի տարածքից ելքի ժամանակ/ հարվածվել է մեքենային: Նշվածների վերաբերյալ վերջինս զագահարել է ոստիկանությանը: Հայտնել է նաև, որ իր կողմից տրվել է բացատրություն մաքսային կետ-բաժնում:

4 Սույն գործի փաստական և իրավական հիմնավորումները, վարչական մարմնի եզրահանգումները:

«Մաքսային կարգավորման մասին» ՀՀ օրենքի /այսուհետ Օրենք/ 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Օրենքի 302-րդ հոդվածի 2-րդ մասի համաձայն՝ «Մաքսային մարմնի պաշտոնատար անձի՝ մաքսային ոլորտին վերաբերող օրինական պահանջը չկատարելը՝ առաջացնում է տուգանք՝ հարյուր հազար դրամի չափով»:

Վարչական իրավախախտումների վերաբերյալ ՀՀ օրենսգրքի 35-րդ հոդվածի համաձայն՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Վարչական մարմինը քննելով գործում առկա ապացույցները գտնում է, որ Գևորգ Սարգսյանի արարքում առկա է «Մաքսային կարգավորման մասին» ՀՀ օրենքի 302-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, Գևորգ Սարգսյանի բանավոր հայտարարությամբ: Մինչույն ժամանակ վարչական մարմինը արձանագրում է, որ վարչական գրծի նյութերում առկա չէ բացատրություն և վերջինիս մեղքը բացառող որևէ այլ ապացույց:

5 Եզրափակիչ մաս:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 301-րդ, 302-րդ, 322-րդ, 332-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի՝

1. «Մաքսային կարգավորման մասին» ՀՀ օրենքի 302-րդ հոդվածի 2-րդ մասով նախատեսված մաքսային կանոնների խախտում կատարելու համար քաղաքացի Գևորգ Ռազմիկի Սարգսյանին ենթարկել վարչական պատասխանատվության՝ տուգանելով 100.000 ՀՀ դրամի չափով:
2. Որոշման մասին հայտնել Գևորգ Սարգսյանին:
3. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ «Որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով»:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մարսապուրտ-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ

ՀԱՅԿ ՄԻՐԶՈՅԱՆ